

賢劫經

才五

百七十八
談五

48549



元祿九年丙子二月日重脩

皇圖聖圖 帝潛銀呂

佛日增輝 懋輪崇轉

山城州天安寺法金剛院置

賢劫經卷第五

西晉元康年竺法護於長安譯

談

三十二相品第十一

佛告喜王菩薩何謂諦住安平正度無極有
六事適從平地舉足前行追慕三昧是曰布
施報若建立安勸化衆人不更惱害終始無
患是曰持戒報一切衆人不能動搖心不起
恨意和顏悅色是曰忍辱報所立其意奉開
士法不以有勞徑前不退是曰精進報顯發
慕樂無上正真令衆生安敷演禪思是曰一
心報說其報應所生之處常見諸佛諮受大
道是曰智慧報是爲六何謂來千輪度無極

心不起
意奉開

有六事若以致來衆物所有若干種輪持用
布施致千輻相報是曰布施報若以各各竒
異殊特好妙顏色身在其中無所破壞是曰
持戒報若生異品若干種香心不以著無增
減意是曰忍辱報其勤修者堅持其志猶有
術師執持大屛若因浮棧徑泗度江及安眷
屬是曰精進報若演光明普耀遠近通於十
方由得自在是曰一心報若振大光一切蒙
荷悉得聖明衆眞消索是曰智慧報是爲六
何謂肌粟細度無極有六事若書文字斯非
恬怕以用開化一切衆生示以罪福是曰布
施報其依言教奉仰真正不爲虛僞而懷來

義是曰持戒報其以具足衆德之本來妙神
明心不起滅是曰忍辱報若諦超越衆惡之
瑕致衆開士來相化導是曰精進報若無恚
恨獲致功勳和顏悅色踊躍存法心無所著
是曰一心報在於生死所生安和化衆愚冥
是曰智慧報是爲六何謂足下平度無極有
六事若下足平所至無難足下所蹈垂蟻永
安是曰布施報其舉足時心無瘡病行不犯
法其心仁和是曰持戒報若舉足時庠序安
隱性不卒慌亦不惶懼是曰精進報其舉足
時福致曠然猶如虛空用救衆生是曰一心
報其足底滿功德熾盛而無邊際是曰智慧

報是爲六何謂長指度無極報有六事其指
長好宿德所致無有惡穢是皆所施報應之
功是曰布施報其指纖好漸稍相應而不邪
亂宿命行安是曰持戒報應是功德指長順調
是妙柔奕是曰忍辱之報德行相應指長微妙
漸稍細滑無一塵理是皆精進之報也指長
吉祥見者悅然無不吉和此者皆是一心之
所報其指光澤隨次和順正齊不亂是皆智
慧之報是爲六何謂手足縵中度無極有六
事手足滿平而縵中者前世之時若有所施
滿足與之是布施報其指平正建立安隱無
有不正視之心悅是持戒報手足無瑕清淨

極殊本行仁和是忍辱報諸佛手足紫金色
者不受塵土往昔勤修不以懈怠是精進報
手足柔粟而無麤惡光澤甚好是一心報其
手足鮮赫赫明好與衆超異見莫不歡是智
慧報是爲六何謂膝平度無極有六事其膝
興正稍漸轉上普具有異德行殊絕見莫不
敬是布施報其膝安和不相切摩是持戒報
手足傭好而不進退咸宜有常是忍辱報儀
則仁慈行步舉足安和庠序亦不卒暴是精
進報善修平正亦無偏邪常行寂然是一心
報觀者悉歡光像分明是智慧報是爲六何
謂寂藏度無極有六事其寂藏安光色赫

而不現體是布施報其寂以清潤澤一切皆
使蒙荷是持戒報其毛右旋各各齊正而不
邪行是忍辱報其德巍巍在所至到化變度
人是精進報其演光明無所不照多所安隱
是一心報使他人見瑞應懷來無上聖明是
智慧報是爲六何謂齋深度無極有六事其
行日進稍至玄深乃至大道是布施報其威
神德淡然無畏心不懷難是持戒報其奉柔
潤深至平和是忍辱報其行具足不以恐怖
是精進報亦如好華柔爽和安精專不迷是
一心報其齋無毀長益一切行不損減是智
慧報是爲六何謂毛一一生度無極有六事

其毛上向右旋清正順理獨立是布施報其
髮紺色光光明好見無不歡是持戒報毛柔
栗細滑澤晃然是忍辱報其色潤澤不受垢
塵是精進報毛色柔好各各右旋是一心報
各各竚立而不卒暴不相切摩各各齊正是
智慧報是為六何謂紫金色度無極有六事
其色光明如火中金是布施報其柔潤色不
為麤獷是持戒報清淨無瑕色踰日月是忍
辱報其光晃曜照於遠近是精進報其無垢
塵以為清明是一心報其光柔妙色和曜好
是智慧報是為六何謂師子骨臆度無極有
六事其身漸滿而不缺減是布施報身盛妙

好有巍巍德是持戒報身以堅強無能犯者
是忍辱報衆所觀仰視無厭足是精進報其
身弘廣猶如難逮是一心報身無能壞堅如
金剛是智慧報是爲六何謂常善次度無極
有六事其身所行具足充滿是布施報尊不
可逮吉祥以滿是持戒報端正絕好有見樂

喜是忍辱報其行德業平等滿者是精進報
計其相好色若雜珍師工好畫是一心報柔
潤光光清淨無瑕是智慧報是爲六何謂長
臂報度無極有六事其身香勲而無斷絕普
聞一切是布施報直住正安而不可動是持
戒報和順庠序堅固不起其心和調是忍辱

報若以自致其臂長姝與衆超異是精進報
行步庠序臂長出膝天人所奉是一心報現
身柔潤光明赫赫照於一切是智慧報是爲
六何謂臍髀度無極有六事若以身臍臍順
雅好心慈志和是布施報獨立坦然無能牽
掣常得自在是持戒報善能分別處所至安
而無禍難是忍辱報身以齊正肢體漸臍是
精進報威光巍巍無見頂相是一心報一切
衆生日所觀仰莫不愛敬是智慧報是爲六
何謂腦合充滿度無極有六事以漸覺滿功
德成就是布施報心諦堅住常懷和安是持
戒報淨如明珠而無自大者是忍辱報若以

平等而興治行無有懈廢是精進報身口柔
和其心安隱是一心報和潤無毀莫能壞者
是智慧報是爲六何謂鉤瑣度無極有六事
見衆求者常和悅豫是布施報漸以覺悅消
衆不達是持戒報其德各各若干普同善相
依因道法成行是忍辱報若有所說咸共默
然悉和等受適見奉行是精進報其光紺青
煌煌照遠是一心報若令世間一切衆生所
縛衆厄自得解脫見無馱足是智慧報是爲
六何謂牙齒白淨度無極有六事齒極白淨
編合不踈是布施報柔潤白好而無沾汙是
持戒報以順次第猶白蓮華平等安隱是忍

辱報齒堅白要而無雜黑是精進報所施建
立弘安無危是一心報身以潤澤柔奕光光
覩其明燿未曾猷足是智慧報是為六何謂
牙齊平度無極有六事下齒齊平不以邪傾
是布施報上下柔澤悉以無麁是持戒報次
第合緻間無所受是忍辱報其齒傭平亦無
高下是精進報齒不毀損堅強妙好是一心
報下齒正上上齒正下安隱牢固見莫不歡
是智慧報是為六何謂四十齒度無極報有
六事其四十齒具足而悉平正不減是布施報
齒不邪傾正齊如水是持戒報齒妙殊特與
衆不同是忍辱報齒皆通利間無所礙等定

不踈是精進報齒生吉祥見無不利是一心
報齒甚堅固不可動搖可悅人意是智慧報
是為六何謂廣長舌報度無極有六事為善
薩時耳聽經典擇說至言是布施報去舌上
垢乃傳佛語淨口宣義是持戒報口說平均
不為偏儻是忍辱報舌極廣長色如蓮華光
明赫赫是精進報其相生妙各各別異是一
心報舌如百葉光色奇好晃昱遠耀是智慧
報是為六何謂梵聲報度無極有六事行善
薩道班宣經典高舉唱音今眾人聞了了無
疑是布施報音響可愛聞莫不喜是持戒報
若干品音所宣各各得解是忍辱報未曾有

音和不可逮是精進報音常和調言辭安隱
而不斷絕是一心報一切音好哀合和雅動
衆人心是智慧報是爲六

佛言復次喜王何謂如來身方正報將順身
心常使和安是布施報其以身行身口心定
寂然安和是持戒報若以十善興發所生志

存天人使爲道業是忍辱報教告一切開化
衆會無所犯負是精進報悲和之音柔潤響
哀告於衆生是一心報音宣法化決衆狐疑
莫不解悅是智慧報是爲六何謂味中上味
度無極有六事若以食饍一切所供其味殊
特可衆人意是布施報其所惠與食者得安

快而無患是持戒報受者和同與檀越心無
諍訟意是忍辱報所施供具多少使平令身
無疾是精進報食饌極妙於口甘美而無穢
臭是一心報不熱不冷其味和適而好輕柔
是智慧報是爲六何謂師子頰車度無極有
六事其背廣平如師子形獨步三界是布施
報猶如蓮華光澤好色行如師子是持戒報
若如師子轉進而前無所畏難是忍辱報所
以顯現大神巍巍尊妙殊特是精進報其餘
所宜歡悅一切衆生所敬是一心報其目見
者莫不自歸面色喜悅覩德奉敬而無厭足
是智慧報是爲六何謂眼如牛如月懷來以

度無極有六事報其眼細妙引長而好如月
初生是布施報其目分明善諦巍巍無一短
乏是持戒報其目晃明柔爽鮮好殊絕難比
是忍辱報面無怯弱光澤益潤是精進報顏
貌妙好身形乎正如日初出是一心報光如
日月照于八方上下闇冥無能逮明是智慧
報是爲六何謂目紺青色度無極有六事若
有見佛心中悅喜以一心歸而敬眼視是布
施報眼之所覩而目寂定無一不正是持戒
報目微妙好無能呵者遠近皆伏是忍辱報
眼之所視亦無傷害多所加益是精進報遠
見玄迥解一切結是一心報所見無厭不可

得底所覩平等是智慧報是爲六何謂臯如
鸚鵡度無極有六事臯如鸚鵡隆平正妙是
布施報常以寂定無有邪非是持戒報臯好
潤澤耀如明珠是忍辱報柔啞諦忍仁和威儀莫
不奉仰是精進報衆人所見敬愛無已而無厭足
是一心報意捨所念受不可猗不存諸香以
道爲香是智慧報是爲六何謂頂髻相度無
極有六事其髻團圓自然興起光明显昱是
布施報髻髮紺色焯焯難量而各各右旋
是持戒報髻曜赫赫光明所照不可得際是
忍辱報肉髻充滿無有邪非跣立而安是精
進報滑澤迴旋安諦相斷不相雜錯是一心

報振燿光光所照無限是智慧報是爲六何
謂如來肉髻度無極有六事髮生青色如無
上紺滑澤燿燿踰琉璃光是布施報髮毛右
旋各順本根而不相猗是持戒報其身清淨
塵垢不著猶如蓮華不著塵水是忍辱報三
十二上下諸天無能覩頂是精進報三界衆
生莫不樂見威德遠顯是一心報言若天雨
不能汙之淨如虛空音猶雷震是智慧報是
爲六何謂出遊步度無極有六事其獨步出
而無罣礙是布施報若棄捐非能一心者志
行弘安乃名佛子是持戒報無鞅數天往見
奉敬伏地自歸是忍辱報能自護己目無所

著是精進報勇高遊騰神足無極是一心報一切所有能惠不恪宣暢道訓是智慧報是爲六順時品第十二

佛告喜王菩薩何謂順時度無極有六事消治衆瘡心無所著行如蓮華是布施報遵修春夏生百草木時節除寒是持戒報其身好

言

長壽寺

妙巍巍殊妙如衆星明是忍辱報平等隨順無所違失是精進報皆以杜塞一切惡趣示其和安是一心報假使衆生在於惡路各以若干光明照之使得解脫是智慧報是爲六何謂知時度無極有六事若於臥寐向曉後夜忽以明了思惟正法是布施報身能棄家

捐其財業行作沙門是持戒報告其車匿歸
解喻家父王及妻成佛還國當相度脫是忍
辱報其身修行志性出家受著袈裟是精進
報若慕解脫求無上道是一心報入於寂然
分別頌音還入家居有所度脫是智慧報是
爲六何謂分別度無極有六事愍傷衆生入
羅閱祇分衛福人是布施報上在天上爲諸
天人宣布道化是持戒報入羅閱祇遊行以
訖還上天頂以寂化衆是忍辱報直身而立
無所依倚三時正定是精進報若禪思惟解
念三界一無真諦是一心報思惟察視十二
緣起根無所由皆因緣對是智慧報是爲六

何謂順世度無極有六事行入分衛各各得利受者安隱是布施報順隨世意飢饉之時拔其虛乏猶如羅摩子所由至處多所濟難是持戒報逆諸非法解難不疑受此道業是忍辱報若於六年超越衆礙無有一蔽是精進報堅固行禪解於一切所有悉無如聚泡沫是一心報不違犯法飲食自然聞名皆歸坐佛樹下降伏衆魔是智慧報是爲六何謂遍察度無極有六事若降伏魔并及官屬因轉法輪度脫一切是布施報勸化一切三千世界衆生之類使得永安而無衆患是持戒報訓誨衆生其鬪亂者令和合之建立賢行

使無所犯是忍辱報若三千界興亂令同
其道味是精進報行成四禪定意正受奉行
十善不以放逸是一心報斯消無明衆冥盡
索使永無餘逮致顯耀是智慧報是爲六何
謂蠲除度無極有六事往昔遊在迦夷羅衛
國土止頓周流七年教化窮罪悉滅除其患
難是布施報刈滅斯垢遊於三界而無所著
是持戒報若能方便三毒消滅心無所生是
忍辱報觀於衆生生死罪福等于慈哀是精
進報其以患馱分別禪思逮致八品而不忘
失是一心報永無所妄斷於貪欲消害無明
興發道慧除一切法令不虛妄一心奉行智慧

度無極是智慧報是爲六何謂金剛度無極
有六事若有逮致金剛三昧心不傾動是布
施報若以方便棄捐無明奉行至德是持戒
報趣于道義無所受焉悉捨衆穢是忍辱報
一切將護三界衆生隨俗開化度脫一切是
精進報己身功勳止頓次第隨順發起盡其
本元是一心報知於一切衆生心性成最正
覺是智慧報是爲六何謂造救度無極有六
事以成正覺諸天所說一心棄捐衆惡之行
寂以禪定思惟世法救護一切是布施報消
滅惡趣地獄苦惱衆罪之患是持戒報曉了
諸根德行成就諸不具足皆令備悉是忍辱

報消化一切諸衆生類塵勞之厄永以無餘
是曰精進報諸所伎樂不鼓自鳴悅一切意
悉發道心是一心報三千世界衆藏財寶常
造布施無鞅數億百千天人是智慧報是爲
六何謂自然度無極有六事三千世界樹生
華實冬夏恒茂以用惠與諸所窮乏是布施
報除一切惱諸不可計勤苦之痛使長安
和是持戒報一切衆生諸根具足究竟自然
是忍辱報所有自然三千世界平如右掌是
精進報諸色形像入於垢穢實不虛妄諸天
蒙恩是一心報降伏四魔慧無等倫成最正
覺是智慧報是爲六何謂降伏魔力度無極

有六事行菩薩道療治一切三千世界三毒
之病成最正覺是布施報消衆塵勞滅一切
魔諸諍訟業是持戒報化諸天子衆害惡鬼
不和之難悉令永安是忍辱報其諸死魔官
屬自然降伏歸命奉佛聖教是精進報無有
五陰身魔自解而無縛結是一心報如其所
願成最正覺爲一切智是智慧報是爲六何
謂無退轉度無極有六事坐佛樹下一心精
思而不猷足是布施報若以見魔而無所畏
自致正覺度于一切是持戒報其身不亂本
末寂然心定永安是忍辱報其心忻然寂定
安隱無有衆患是精進報用等惠施所行平

正等無有異是一心報言行相副身口意定
速得佛道是智慧報是為六何謂一時度無
極有六事一時之頃勤修智慧成無上正真
道為最正覺心所奉行導御隨時是布施報
從其伴黨消除衆塵常奉清淨是持戒報世
尊意念永害三毒興隆三寶是忍辱報所度
正受滅盡諸垢使無三毒是精進報曉了分
別十二緣起斷諸牽連是一心報以能速得
無所忘失識於三世去來今現一切諸法是
智慧報是為六何謂無所著度無極有六事
以肉眼見一切衆生在苦惱患立于大安是
布施報若以天眼見諸生死合散善惡化使

度世是持戒報勸化他人聲所聞處今無所
著是忍辱報若以神足變化所爲往來周旋
濟三界厄是精進報若有所念以觀如是清
淨之行所班宣法猶如梵天是一心報若以
知時誓願聖慧講說經法通于十方是智慧
報是爲六何謂三昧度無極有六事坐禪思
惟無衣食想在佛樹下處於道場是布施報
其篤信法覺意順理不失精修是持戒報喜
悅覺意樂於道義心不存俗是忍辱報分別
經典十二部業正覺之行以化一切是精進
報而棄憤鬧無有邪心其三昧定而修正受
是一心報其護覺意將養衆生令至大安是

智慧報是爲六何謂訓誨度無極有六事若
得佛道觀察本末開化衆生是布施報正使
無讀無說經法爲班宣慧是持戒報光耀解
脫奉持不犯志性愍傷變化巍巍是忍辱報
猶如憂爲迦葉兄弟伴黨二人以自專以爲道
真佛所勸化皆使至道是精進報衆生問義
不以疑礙講說宣傳各令得解是一心報分
別發遣決了聖明靡不通達是智慧報是爲
六何謂佛道度無極有六事其以無明班宣
經典示以聖慧是布施報佛所遣使安隱無
明今至是是道德之光是持戒報滅一切穢
順從不忘辯才無量是忍辱報其法平正致

定不忘常念十方是精進報普入一切奉行
至德強而有勢是一心報勇猛無畏曉了道
元志無上真是智慧報是爲六何謂一切智
度無極有六事在諸通慧目之所觀而無蔽
礙是布施報知衆會心所念本末因爲說法
令心坦然是持戒報能聞遠近所演至要乎

等亘然是忍辱報隨時說法從一切意各各
得解是精進報其宣經典不失次叙各得其
所方便有宜是一心報從其所樂論講正慧
而無所受發起一切成其詩頌是智慧報是
爲六何謂無餘度無極有六事若心安隱奉
行道法發起至義至無餘難是布施報若用

道法以爲快樂速爲他人開化不逮是持戒
報篤信諸佛所說經法等無有異是忍辱報
等觀三世去來今事永無罣礙是精進報若
以禪思脫門三昧因斯正受隨其所樂恣其
所爲思惟定意是一心報各爲講說若干品
法皆得開解志無上法是智慧報是爲六何
謂有餘度無極有六事滅度之後舍利分布
以福訓誨使得無爲是布施報思惟禁行親
近無爲恣其所樂是持戒報其於如來精舍
神寺諸天一切皆來自歸皆當作禮是忍辱
報佛滅度後勤行訓誨精進不廢爲聲聞行
不令罣礙是精進報稍漸進前三昧正受得

至滅度是一心報以聖明根修度世慧普遊
弢衍是智慧報是爲六何謂可止度無極有
六事在於佛世教化衆生受食利養行正不
邪是布施報悅可福報猶如梵志字披羅陀
罵詈誹謗佛時和顏不以瞋恨余時三億天
人悉發道心是持戒報洹陀利者謗毀如來
如來因是開化外學萬二千人今得解脫是
忍辱報勢力堅強心常自現猶如菩薩行正
慈心若墮獸中爲師子王假有侵克默然受
之用化畜生是精進報若離其意加之不可
默不與諍靜然受之不抱在心是一心報若
以禪思講宣道化答所問義靡不得解是智

慧報是爲六何謂諸佛度無極有六事若班
宣法通告佛國悉使聞音乃達上方一究竟
天阿迦尼吒是布施報若演光明遍三千界
開化衆生普令安隱是持戒報其以法雨弘
寬曠至化諸編髮梵志之等使入大道是忍
辱報變化神足顯其威神優爲迦葉等類悅
豫伏爲弟子是精進報心念梵天其觀察我
不以虛見志存梵行欲度諸梵是一心報以
時開導如師子吼莫不蒙慈慈如虛空普覆
一切是智慧報是爲六何謂方便度無極有
六事昔有梵志名曰隨堅廣有所施各八万
四千皆以勸助建立佛道如比丘尼名大愛

道佛勸喻曰以金織成上於聖衆說是語時
八百比丘悉入法律是布施報諸滅度佛猶
安隱學以聞外士名曰須摩在於欲中則以
六事調護其意使受道律是持戒報雖在仁
和猶如往昔有一菩薩行忍辱時名羸提和
加夷國王斷其手足及與耳鼻血化乳鐘心
不起瞋無有瘡病念懷大哀愍如赤子當時
開度八十億天是忍辱報勉已勤修猶如五
通菩薩大士勉出五百梵志童子令歡喜悅
悉受道教是精進報若聞經典勢力轉增乃
至無極定意正受是一心報恣意任力而班
宣法隨其所好而度脫之是智慧報是爲六

何謂愁感度無極有六事若有所施心懷憂
思常如慧明供養大聖不求利是曰布施
招致道乘來於一切造立道業成就具足是
曰持戒猶如申日晉曰首寂因外異學興惡
請佛緣是受教入於佛道是曰忍辱亦如往
昔盧羅龍王心毒勇猛霜雹五穀及害萬民
佛化開導是曰精進本成佛道為最正覺行
佛默然禪思不倦梵天來下請佛勸助唯垂
說法救濟三界是曰一心猶如蛇虺懷毒甚
盛佛來入火室開化入律降伏自歸是曰智
慧是為六何謂開化真陀度無極有六事夫
自安身救護他人一切所有施而不悞是曰

布施猶如菩薩名蓮華藏以金剛行心大堅
強無所貪悋一切衆生心計有身言有吾我
用吾我故等奉行法爲彼衆生寧失身命終
不毀戒是曰持戒猶如昔鼈度衆賈人令不
溺死反懷惡心抱無反復而念還害殺於鼈
身一心安慈無怨忿意是曰忍辱猶若有魚
在於水中牽製人噉食其身體及諸雜垂來
危人身在中救之令有慈心是曰精進假使
諸獸來欲殺人悉能含耐而不加惡是曰一
心若諷誦學億載經卷姦數譬喻以是聖明
度脫他人是曰智慧是爲六何謂爲異度無
極有六事若有所見飢乏窮厄隨時與之是

曰布施如号名聞梵志道士大祠祀施我在
中食因開化之而發道心是曰持戒又其梵
志勤設醫藥以治衆病加示法藥咨嗟至德
悉使衆生得生天上是曰忍辱勤修身行解
出家業雖未成佛勇悅如斯是曰精進其以
禪思超在山頂無上正真受以三達知去來
今是曰一心若以體解十八不共諸佛妙法
班宣道化十八獄縛是曰智慧是爲六
賢劫經卷第五

談

千輻

音福

大屏

下

疑作

瓶

泗

似

由

久

人

恬恬

從添

卒慌

上倉

沒

反

下

惶

下

其

下

懼也 父也 織息廉反 晃明胡廣反 縵有莫官反 手尺 恭反直 齊深 肚上誤作齊 紺

許客反 作赫 肱 也丑恭反直 齊深 肚上誤作齊 紺

色 青上古暗反 詩立 里上反 肱臆 上音魯字 妹 尺反 好朱

也 傭 脾 反上同前 下髀腿 米牽掣 列反 八音憶 妹 尺反 好朱

編合 綿上必反 不 疏 作下正 緻 直利反 偏儻 作下正 類

車 上苦反 隆平 反上高也 焯 反羽鬼 杜塞 下上 案則反

車匿 從下反 力也 反 閱祇 上音悅 分衛 上音悅 去聲此

飢饉 鎮下渠反 憤 丙 上俱 妹 反下 鬧 字

晃昱 六上胡廣反 下余 弘衍 上音 編髮 上必綿

也 乳 籜 下音凍 白也 盧羅 上烏 霜 雹 下必 虵 虵 許

魁反 正 也 昔 蟹 下并作 滅反 錯非 霜 雹 下必 虵 虵 許

